

**TRIBUNAL ELECTORAL DEL ESTADO DE
GUERRERO**

JUICIO ELECTORAL CIUDADANO

AMAIJPOALI: TEE/JEC/009/2021.

ISTLIKETL: ÁNGEL BASURTO
ORTEGA.

**TEKITIKETL
TLAYEKANKETL:** COMISIÓN NACIONAL DE
ELECCIONES DEL
PARTIDO MORENA.

SIHUA DRA. ALMA DELIA
EUGENIO ALCARAZ

**MELAJMACHIOJ-
TLKETL**

TLAKOILOL MTRO. YURI DOROTEO
TOVAR.

TLAYEKANKETL

Chilpancingo de los Bravo, Guerrero, ipan tonali nahui mestli Febrero ipan xiuitl dos mil veintiuno.

TEIXTIKA ika no kualalis amatlaloiloltin ipan ika nimanejun tlatemoli ika no tlapepenia macehualtin ika kuika amaijpoali **TEE/JEC/009/2021**, kanon oki tlapehualti on macehual ijtoka **ÁNGEL BASURTO ORTEGA**, kampa no machilismatis tlika xo oki nankilike ipan Comisión Nacional de Elecciones on de nimanejun partido, kampa no kualalis yejun amamanahuili kampa no pehualti tlika xkoali ki nankilike chika tlin oki tlatlani, kanon kinekia yesia on tlanimanekanasia kentla Gobernador ipan to ueyi kalpan Guerrero, kanon no teititi kentla indígena, kampa iki ki teixtitike yejun tekitiketl ipan tonali cempoalli ipan chikome mestli noviembre de dos mil veinte.

KENIKI NO KUACHITIU

Ken kijtousa yejun itsliketl ipan i motelhuia, niman noiki ken uanesi ipan amatlakoiloltin kampa nijtousa tlin nika uanesi:

1. Tlatlanilistli ika no tlapepenis. On macehual ijtoka Ángel Basurto Ortega ojki teititi ipan Partido Morena, i tlatlanilistli kampa ki neki ika ma ki tlapepenikan san yejua kentla Gobernador ipan ueyi kalpan Guerrero, kampa no teititi kentla indígena.

2. Nankilistli ika ki temakak Comisión Nacional de Elecciones del Partido Morena. Ipan cempoalli ipan chicome tonali ipan mestli Noviembre de dos mil veinte, yejun Comisión Nacional de Elecciones del Partido Morena, ojki tenankili ika i tlatlanilistli uan oki teititi on macehual ijtoka Ángel Basurto Ortega, kanon xo ki kaulike ma no tlapepeni kentla Gobernador ipan ueyi kalpan Guerrero, kampa no teititi kentla indígena.

3. Xnokauilistli intrapartidario. Ipan cempoalli ipan ce toanli ipan mestli Diciembre dos mil veinte, on macehual ijtoka Ángel Basurto Ortega, ojkitemakak ipan via electrónica ipan yejun Comisión Nacional de Elecciones del Partido Morena, cen amaijkoiloli ika xnokauilistli kampa tlinon ojki tlatlani.

4. Tlanenemilistli intrapartidario. Ipan cempoalli ipan ome tonali ipan mestli Diciembre del dos mil veinte, on tekitiketl on yejun Despacho de la Coordinación Jurídica del Comité Ejecutivo Nacional del Partido Morena, ipan amatlakoiloli ika tlanenemilis ojki teititi ika ijpoali tlin axto nokito, niman okititlan ipan correo electrónico on yejun Comisión Nacional de Honestidad niman Justicia ika i partido, yejun xnokauilistli intrapartidario, kampa ki trasokamat ika ompa ueliske ki yekanas niman kualalis yejun tlinon ojki tlatlani.

5. Amatlatitlanili ika Comisión Nacional de Honestidad y Justicia del Partido Morena. Ipan amatlatitlanili ipan chikueyi tonali ipan mestli Enero ipan yejuin xiuitl, yejun Comisión Nacional de Honestidad y Justicia del Partido Morena, okixti cen

amatlatitlanili kampa ki titlania ma nochiua on amaijpoali CNHJ-GRO-002/2021, ika yejun xnokauilistli uan ojki pehualti macehual Ángel Basurto Ortega, ika oki nankilike kua tlin oki tlatlani, uan oki tlatitlan Comisión Nacional de Elecciones on partido, noiki oki tlatitlanili yejun macehual ika ma kin kaxilti in min amauan ika i xnokahuilistli.

6. Teiticha tlatemoli ika no tlapepenia macehualtin. Ipan chikome tonali mestli enero de dos mil veintiuno, no teiticha vía electrónica ixpan Comisión Nacional de Elecciones del Partido Morena, on tlakoiloli ika noteluilia on yejun tlatemoli ika no tlapepenia macehualtin, kampa oki tlapehualti macehual Ángel Basurto Ortega, kampa xo ki selilike i xnokauilistli intrapartidario, ipan tlin ki nankilike ika ojki tlatlani no teuan maki tlapepenikan kentla tlapepenilistli único ipan Gubernatura on to ueyi kalpan Guerrero.

7. Tlatitlanili ipan Tribunal Electoral. Ipan amaijkoiloli kan ijpoali CNJH-ST-009/2020, ipan matlaktli ipan yeji mestli enero ipan yejuin xiuitl, oxkiselike ipan oficialía de partes ika yejuin kaltlapaleuilistli, ipan on ojse toanli kua no titlan, on Comisión Nacional de Honestidad y Justicia del Partido Morena, oki titlan yejun xnokauilistli ika i ijpoali on iksan, niman noiki in min amatlakoiloltin ika on in min amayekanketl.

8. Tlaselinketl tlatemoli ika no tlapepenia macehualtin. Ika amaikoiloltin ipan matlaktli ipan nauí tonali mestli enero ipan yejuin xiuitl, ono tlaseli yejun xnokakilistli, niman nijkoilo ipan amaijpoali TEE/JEC/009/2021, niman no tlatitlanili on sihua melajmachiojtiketl Alma Delia Eugenio Alcaraz, ueyi tlayekanketl ipan Ponencia Tercera.

9. Tlatitlanilistli on Ponencia tlayekanketl kampa no kuikas on tlatemoli. Ika amayekana ijpoali PLE-39/2021, ipan matlaktli ipan nauí tonali mestli enero ipan yejuin xiuitl, kampa Presidente yejuin Tribunal, oki titlan on ponencia tlayekanketl ika amaijpoali TEE/JEC/009/2021, ika no ixmatis.

10. Machilismastika on moteluilia. Ipan matlaktli ipan makuili tonaltin mestli enero ipan yejuin xiuitl, kampa no teititi ipan Ponencia Tercera ika yejuin kaltlapaleuilistli, on macehual ijtoka Ángel Basurto Ortega, ki machilismastika ika nochi nina i ce ce in amakoiloltin ika temouali ipan tlatemoli ika no tlapepenia macehualtin, kampa no teititi vía electrónica ipan Comisión Nacional de Elecciones del Partido MORENA.

11. Amaikoiloltin ika no tlaseli. Ika amatlatitlanili on matlaktli ipan makuili tonaltin mestli enero ipan yejuin xiuitl, yejun Ponencia Tercera okipix tlaselinketl on amaijkoiloltin uan kaxilcha on amaijpoali TEE/JEC/009/2021, kampa no tlatitlanilia yejun Comisión Nacional de Honestidad y Justicia del Partido Morena, copias certificadas ika on amaikoiloltin tlin kaxilcha amajpoali intrapartidario CNHJ-GRO-002/2021.

12. Tlaselinketl ika amame. Kampa amatlatitlanili ipan cempoalli ipan chikuasen tonali mestli enero ipan yejuin xiuitl, onopix ika no selike in amame uan okititlan Comisión Nacional de Honestidad y Justicia del Partido Morena, kampa ki tlixilcha tlinon ika o ki tlatlanke.

13. Amatlatitlanili ika no tzakua tlin no yekana niman tlin no tlatitlan ika no kualalia. Ipan ce toanli mestli febrero ipan yejuin xiuitl, yejun sihua melajmachioltketl oki seli on no yekana amaijpoali ika no tlapepenia macehualtin kampa ualau ye tlakoiloli niman kampa koxtla tlin no tlazokamatis, yejua okitzau yejun yekanketl, niman ki tlatitlan ma no kualali ika kampa sakín no tetlatoltis niman, ipan yejun, no seliske akinomeke kin min kaxiltis in Pleno del Tribunal, niman

TEYOLNONOTZA

CENTETL. Nokaltlouayan niman ixcomalistli. Ika ken uanestika ipan ijtolime 116 ome tlakoiloli pilijtoli IV, inciso b), c) e l) on ueyi amayekanketl Constitución Política de los Estados Unidos Mexicanos, 4, 5 pilijtoli VI, 42 tlakoiloli VI, 105, 106, 132, 133

niman 134 on ueyi amayekanketl Constitución Política del Estado Libre y Soberano de Guerrero; on ijtolime 5 pilijtoli III, 6, 39 pilijtoli II, 97, 98, 99, 100 niman ojsekime ipan machijtlatoli ijpoali 456 on Sistema de Medios de Impugnación en Materia Electoral del Estado de Guerrero; ijtolime 2, 4, 5, 7, 8 pilijtoli XV inciso a), 39 niman 41 pilijtolime VI niman VII ipan machijtlatoli Ley Orgánica del Tribunal Electoral del Estado de Guerrero niman 4, 5, 6 niman 7 on amayekanketl Reglamento Interior del Tribunal Electoral del Estado de Guerrero, yejuin Tribunal Electoral del Estado de Guerrero kipia i nokaltlouayan niman ixcomalistli ika kixmatis niman ki kualalis yejun tlamantli. on axto ika cen tlatemoli ika no tlapepenia masehualtin kampa on itsliketl ipan i ixkayotl kampa no teiticha kentla indígena, no teiluia tlika xtlá xnochiu ipan Comisión Nacional de Elecciones on yejun tlatololi, ika no kualalisia ika xnokauilistli intrapartidario, tlin no tlai ipan i tlanankilistli kampa xo kauilike ma uia san yajua kentla Gobernador ipan ueyi kalpan Guerrero, kampa no teiticha kentla indígena, kua no titlan nankilistli ipan cempoali ipan chicome tonali mestli noviembre del año dos mil veinte ipan Comisión Nacional de Elecciones; kampa i tlachilis, ki yolkokoa ika ki tlazokamatiské nmiman i ixkayouan ika uelis ki tlapepeniske, kampa yejuin kaltlapaleuilistli ijtoka Tribunal kipia i tekiyo.

OJPA. Tlika xueli no peualcha. Ika yejun tlamaxtili, axto ika yejuin kaltlapaleuilistli no ititis ipan yejuin tlamantli ipan i tekiyo, axto nixmatiske tlika xuelis no peualtis ipan uin tlatemoli ika no kualalia, niman ika yejuin no tlazokamatikan ika in min tlaixnamiktin ojso tlamo yejuin kaltlapaleuilistli ijtoka tribunal ma ki min nochili tlin ipan yejun amame uenestika, niman ken uanestika ipan ijtolí 14 on machijtlatoli ijpoali 456 on Sistema de Medios de Impugnación en Materia Electoral del Estado de Guerrero.

On axto noiki, niman kampa no yenkpoiliskeon ika xtlá no tlapeualti, nemisia cen tlatelali ika no tlachichiuas yejun tlatemoli niman, ipan yejun tlin no tlali ipan tlamiltli.

Tekiti kentla tlayekanketl on ijkoiloli tesis L/97, uan ki tlatitlan Sala Superior del Tribunal Electoral del Poder Judicial de la Federación, del rubro: “**ACCIONES. SU PROCEDENCIA ES OBJETO DE ESTUDIO OFICIOSO**”¹.

Ipan kentla yo no tlanemili on motelua, yejuin kaltlapaleuilstli xno tenotza ika no yenkuilia ika tlinon xueli no peualcha yejun motelua, niman kampa yejun tekitiketl tlayekanketl xkin tlazokamati non ce, kuakon, uanestika ika nojneki ma no tlachilikan on amame niman kanon ualeua yejun ika xnokauilstli.

YEXKAN. Tlatlanilistli kampa uakeua.

Itla ken yo no maxtili, yejuin kaltlapaleuilstli ki tlalia ika ueltika ma no tlazokamatikan on tlatlanilistin ika uelis no yekanas on xnokauilstli, kentla uanestika ipan ijtolime 11, 12, 14, 17 pilijtoli II, 39 pilijtoli II, 97, 98 niman 99 ipan machijtlatoli Ley de Medios Local, kampa nestika yejuin:

a) Kenijki. On motelua ojneseli ika tlakoilol niman no tlatitlan ika tekitiketl tlayekanketl, noijki, okimat yejun itsliketl, on tonali matlaktli ipan makuili ipan mestli enero on xiuitl dos mil veintiuno, kampa ixpanextilike ipan ponencia tlayekanketl; kampa uanestika ijtokayo, matlakoilol; nestika kanon uelis ki kakis niman ki min selis amame, niman akinon ki tekikixtis, tekitiketl tlayekanketl, tlin ojponok niman y yolkokolis ika peualcha i xnokauilstli, on ixkayouan una ki yolkokoa niman tlin teiticha ika uelis no manauis.

b) Immanyotl. Ken uanestika ipan ijtolli 11 on machijtlatoli Ley del Sistema de Medios de Impugnación en Materia Electoral del Estado de Guerrero, yejun ika xnokauilstli no teititiske ipan naui tonali ika kua ye no mastis yejun tlinon ki kolkokoa o so no tlinon no tlatlani, ojsa tlamo no teilisia kentla uanestika ipan machijtlatoli.

¹ Compilación 1997-2013. Jurisprudencia y Tesis en materia Electoral. Tribunal Electoral del Poder Judicial de la Federación. Volumen 2, Tomo I, Tesis vigentes, página 881.

Nijtotika, on tlatemoli kampa aman ti tekiti onka yejun yolkokolis, kampa no teiluia asta ika on kipix tlatlakoli maki yolpaki on itsliketl ika no yolkokolike in min ixkayotl.

Kentla, yejuin tlanenemilistli ika xnokauilistli uan ki yekana maseual ijtoka Ángel Basurto Ortega, nojchiua ika notelua ipan Comisión Nacional de Elecciones ipan on tlatlololi, ika no kualali tlin xo nochiu ika xnokauilistli intrapartidario ika oki peualti kampa ki nankilike ika xuelis ki tlapepeniske kentla san yejua yes tlayekanketl kentla Gobernador ipan ueyi kalpan Guerrero, kampa no teiticha kentla indígena, ipan cempoalli ipan chicome tonal ion mestli noviembre on xiuitl dos mil veinte ipan yejun tlatitlanili, nikan kuakon, tlin xo ki min kake ojsapa no yenkuilitika.

Ompa ika on tesentlayekoltlistli ika nahui tonali kampa no teiticha on moteluilia kampa xuelis no tlazokamatis kentlo no tetlani, niman no pias kentla yo no tlaixtlali nina ye ki mastoke. Tepaleui on tlakoiloli ijtoka jurisprudencia 15/2011, uan ki tlatitlanilia on Sala Superior del Tribunal Electoral del Poder Judicial de la Federación, niman uanestika ipan Gaceta de Jurisprudencia niman Tesis ipan tekiyotl ika tlapepenilistli, Xiuitl 4, Ijpoali 9, 2011, amame 29 y 30, niman nijtousa **“PLAZO PARA PRESENTAR UN MEDIO DE IMPUGNACIÓN, TRATÁNDOSE DE OMISIONES”**.

c) Tlatlamilistli. Tlin oki tlazokamat on kaltlapaleuilistli ipan yejuin tlatlanilistli ye no kaxilti, ika kampa no tlachili amayekanketl no mastika ika uan tlin xo no seli on xnokauilistli ika kipias ika no tlamiltis kentla no teilua ipan yejun xnokauilistli ipan yejun kaltlapaleuilistli.

d) Hueltetlakilistli. yejuin xnokauilistli o no teixtitti kentla uanestika ipan machijtlatitlanili ika ijpoali 456 ika ijtokayo Sistema de Medios de Impugnación en Materia Electoral del Estado de Guerrero, kampa kin min temakazke ika noijki ki matiske to maseualtin ika ueklis ki tekiltiske kua ki matiske ika kin yolkokoa in min ixkaxome ika ueliske no tlapepeniske, kentla nistika ipan

yejuin tlamantli , kampa nochipa on itsliketl Ángel Basurto Ortega, yejun ce tlakatl uan oki peualti on xnokauilistli ixpan Comisión Nacional de Elecciones del Partido Morena, ixpan tlin o tenankili kampa xki selike nijkoilosia kentla tlayekanketl ika san yejua yesia Gobernador ipan ueyikalpan Guerrero, kampa no teiticha kentla indígena, kampa yejua ueltika ki tlatlanis ika xnokauilistli.

e) Tlin kixmatis i tlajtolketsali. No kaxilcha on tlatlanilistli, kampa on itsliketl ki teilia ika no yolkokoa i ixkaxotl ika uelis ki tlapepeniske, kampa xo mi makake yekanketl ika i xnokauilistli , niman kampa xo ki nankilike ika uelis ki tlapepeniske kentla Gobernador ipan ueyikalpan Guerrero, kampa no teiticha kentla indígena ika on tlalololi ijtoka Morena, kampa, ki maka immanyotl ika uelis yas ipan yejuin Tribunal Electoral kampa ki tlakualaliske ika on ixkayotl.

NAUI. Axtokan tlajtoli.

Ipan i tlakoilol ika xnokauilistli, on istliketl nextia ipan i tlatemoli intrapartidario no nexcha ika xueli nenemi ipan Comisión Nacional de Elecciones del Partido Morena, niman no ylatlania ipan yejuin kaltlapaleuilistli maki yekana on tlamantli, niman maki yekana kentla unanesitka ipan to machijtlatolime ipan tomkalpan.

Aman, yejuin kaltlapaleuilistli kitoua ika xuelis ki yekanas yejun tlatlanilistli uan ki tlatlania yejun itsliketl, ika yejun tlamantli xonka ipan i tekiyo on yejun kaltlapaleuilistli ijtoka Tribunal Electoral del Estado de Guerrero.

Niman ika ojpa kampa on itsliketl ma no tzikuinalti on tekiyotl ipan oxse kaltlapaleuilistli, niman kampa, onka tekiyo ika no kualalia yejun i xnokakilistli ipan on tekitiketl intrapartidario ika tlalololi Morena, YA NO MASTIKA IKA no tlamiltis on tlayekanketl ika on tlajtoli ika onka tlatlatlamilistli.

Yejun Sala Superior del Tribunal Electoral del Poder Judicial de la Federación ki tlazokamati ika on tlajkoiloli ijtoka jurisprudencia 05/2005 kampa on no tlazokamatis ika tlatlatmilistli niman on machijtlatoli Ley General del Sistema de Medios de Impugnación en Materia Electoral, uan ki kaxilcha on tlalololi, axto ki tlapaueltiske ika on tlatemoli ika no manauia ixkayome ika no tlapepenia maseualtin, ki pia ika ki tlamiltiske yejun xnokauilistli intrapartidarios, niman ikon ika koxtla uanesis sen tlayekanketl ijtipan ipan yejun tlalololtin cen tesentlayekoltistli kampa no kualalis on tlatelolti, no tlazokamatis, ika kex uekuis no kualalis yejun tekiyotl yeske kentla on tonaltin kampa no chichike niman no tlapepenike inkaltijpan on yejon tlalololtin niman nochipa kua kaxilcha in tekiyotl ika uekiske ki kualaliske, kixtiske on tekiyo niman amame ika kin tlazokamati. Niman kampa xueli tlika tzikuinis ipan ojse kaltlapaleuilistli kampa no tlapepenia, tla yejun tlateloli ueli no kualalis axto ipan ikaltijpan ipan in min tlalololi².

Noijki, on kaltlapaleuilistli ijtoka Sala Superior ki tlatitlani³ ika yejun tlajtoketzalistic intrapartidistas, kampa uelis no kualalis. Ika ojsekime tlatoltin, ika kampa xuelis no kualalis yejun tlajtokesali niman tlatitlaniltin ika on tlalololtin, niman san yejun kampa kuatitlania yejun machijtlatoli Constitucional ojso legal kentla uelis yes, kentla, on tlachichiktin ika no tlapepenia kampa uanesi ipan ueyi amayekanketl.

Niman kenin, kentlo on tlajtokesali ika xnokauilistli no huikatoke ika keniki no tlapepenia ijtipan on tlalololtin ika kineki tlayekanaske kentla Gobernador, kampa nestika ika no tlatoua ika ojsekime tlayekanketl kampa xuanesi ipan amayekanketl ipan machijtlatoli, niman kampa ika ma no kualalis uelis no chiuas.

2 Sala Superior del Tribunal Electoral en la jurisprudencia 05/2005 bajo el rubro “**MEDIO DE IMPUGNACION INTRAPARTIDARIO. DEBE AGOTARSE ANTES DE ACUDIR A LA INSTANCIA JURISDICCIONAL, AUN CUANDO EL PLAZO PARA SU RESOLUCIÓN NO ESTE PREVISTO EN LA REGLAMENTACIÓN DEL PARTIDO POLÍTICO**”. 3 El criterio está contenido mutatis mutandis, en la jurisprudencia 45/2010, “**REGISTRO DE CANDIDATURA. EL TRANSCURSO DEL PLAZO PARA EFECTUARLO NO CAUSA IRREPARABILIDAD**”, así como en la tesis XII/2001, “**PRINCIPIO DE DEFINITIVIDAD. SÓLO OPERA RESPECTO DE ACTOS O RESOLUCIONES DE LAS AUTORIDADES ENCARGADAS DE ORGANIZAR LAS ELECCIONES**”.

Niman oxsekan, kuali no machia ika onoke tonaltin ika axto no tlamiltis on tlateloli ipan in min kaltijpan, kampa on tonaltin ika nijkoiloske ipan in min candidaturas uapeua ipan 15 de febrero niman tlamia ipan 01 de marzo ipan xiuitl 2021.

Niman, kuali no mati ika onoke tonaltin ika ki kualaliske in min tlateloli, kampa on tlayekanketl ika on tlatololtin ki yekanaske niman yekualaliske axtopan, niman xkichaske asta ma tlamikan in tesentlayekoltlistli⁴.

Itlan yejuin tlatoliltin, nijtoau kuakon ika xueli no yekena tlin okitlatlani on itsliketl, niman kampa, on amatlatitlanili ika tesentlayekoltlistli tlin ojnoke ipan in amayekanketl intrapartidaria, yejun xnokauilistli uan onopeualti onka kampa no tlachilitika niman asta aman xno kualalia.

MAKOILI. Nomachtiyotl

Piten teilstli ika no yolkokoa.

Axtokan, on itsliketl kitoua ikan ipan tonali 07 mestli enero ipan xiuitl 2021, okititlan on tlatemoli ika xnokauilistli intrapartidista ipan correo electrónico oficiliamorena@aoutlook.com ipan Comisión Nacional de Elecciones del Partido MORENA, ika kampa kimatili ika xkoali nemi ika tlin okititlani ipan tonali 27 mestli noviembre ipan xiuitl 2020, kampa xki kaulike nijkoilos ipan precandidatura, kampa ki tlatlania ika no ki makakan immanyotl ika uelis ki tlapepeniske kentla Gobernador ipan ueyi kalpan Guerrero, kampa nixmastika kentla indígena.

4 Es aplicable la jurisprudencia 38/2015, "PARTIDOS POLÍTICOS. EL PLAZO QUE LA NORMATIVA INTERNA LES OTORGA PARA LA RESOLUCIÓN DE LOS ASUNTOS DE SU CONOCIMIENTO, NO NECESARIAMENTE DEBE SER AGOTADO". También son aplicables las tesis XXXIV/2013, "ACCESO A LA JUSTICIA PRONTA Y EXPEDITA. DEBE PREVALECER ANTE LA AUSENCIA DE PLAZO PARA RESOLVER UN MEDIO DE IMPUGNACIÓN INTRAPARTIDARIO", y la identificada como LXXIII/2016 de rubro ACCESO EFECTIVO A LA JUSTICIA. LOS TRIBUNALES ELECTORALES LOCALES DEBEN RESOLVER LOS MEDIOS DE IMPUGNACIÓN EN UN PLAZO RAZONABLE, SIN QUE SEA NECESARIO AGOTAR LOS PLAZOS QUE FIJEN LAS LEYES PARA TAL EFECTO".

Niman noijki, ika asta aman kox ki selia itla nankilistli ika on tlatemoli ika nxokauilistli intrapartidista, kampa ki tlatlania ika ma no yekana niman ma ki titlanikan tlamiltli kampa yejua ki paleuia ika kanon ipan cepa ipan ueyi kalpan Guerrero, ma uia cen indígena kampa no tlapepenia kentla Gobernador ipan tlalololi Morena. Kampa no tlapepeniske ipan tonali 06 mestli junio xiuitl 2021.

No machtilia tlin ojpanok

Ipan yejun tlateluil, ipan yejuin kaltlapaleuilistli Tribunal kijtousa ika on yolkokolitli una kijtousa on itsliketl xno yekania ika no kualalis ipan yejun kaltlapaleuilistli ijtoka Comisión Nacional de Elecciones del Partido Morena.

Tlin nojneki.

Ipan kampa motleuilia, no teilia ika tlin noneki on itsliketl, ika ma no yekana i yolkokolistli, niman ma ki kauilikan ika ma ueli ki tlapepenikan kentla tlayekanketl ika Gobernador ipan ueyi kalpan Guerrero.

Tlika ki tlatlani. On itsliketl kitousa ika ki yolkokoke i ixkaxotl ika kampa uelis no tlapepenis niman ika okititlan ika xnokauilistli.

Tlateloli. Yejuin kaltlapaleuilistli ijtoka Tribunal ki kualalis tla on tlalololi intrapartidario ika Morena, xo ki kualali ipan on tonaltin uan ki piyaya kentla uanesi ipan i yekanketl ijtipan, on tlatemoli uan okipelualti yejun itsliketl.

Keniki no maxcha.

Ipan yejuin motleuilia nijtoa ika on itsliket no teiticha kentla indígena, niman ika san kayajua ye no mastika ika uelis ki piyas i ixkaxotl ika kentla indígena ki pia.

Yejun Sala Superior del Tribunal Electoral del Poder Judicial de la Federación, ki tlatitlania ipan ijloiloli ijtoka jurisprudencia 12/2013, kampa kijtous: **COMUNIDADES INDÍGENAS. EL CRITERIO DE AUTOADSCRIPCIÓN ES SUFICIENTE PARA RECONOCER A SUS INTEGRANTES**⁵, kampa nijtous ika tla sen tlaka, sihua ojsa yaka kijtous ika yejua ojsa yejuame indígenas ika san ka yajua ye uelitika nixmatis iki, niman noiki nixmatis in mi ixkayouan. Ika tlin nijtous ipan yejuin tlateloli no tlazokamatis ipan yejuin kaltlapaleuilstli ijtoka Tribunal, ika kampa on yolkokolistin no yekanaske ika no tlazomakatikan.

Ipan yejuin kaltlapaleuilstli ijtoka Tribunal Electoral akampa no maxtilike on yolkokolistin o no tlapeuالتin cen amaijpoali⁶ , ika kampa kitous on ijpoalime 2, tlakoiloli A, pilijtoli VIII, 17 niman 133 ipan ueyi amayekanketl Constitución Política de los Estados Unidos Mexicanos; 128 ipan machijtlatoli Ley del Sistema de Medios de Impugnación en Materia Electoral del Estado; 2, 4, 9, 14 y 15 ipan Ley Federal para Prevenir y Eliminar la Discriminación; 2, 4, apartado 1 y 12 del Convenio 169 de la Organización Internacional del Trabajo sobre Pueblos Indígenas y Tribales en Países Independientes niman 1, tlakoiloli 1, de la Convención Americana sobre Derechos Humanos.

Kampa no tlazokamati ika xnokauilstli kampa ki peualcha akinimoke kin kaxilcha in kalpame indígenas, kampa no tlamaixmati ika kin yolkokoa in min ixkayouan ika no tlapepenia, niman kampa on tekitektel tekitske niman kin piaske kampa in min ixkayotl kox kin min yolkokokan, kampa uanestika ipan amayekanketl ika kin manauiske in min ixkayome niman noijki kin paleuiske on chanekauan.

5 Gaceta de Jurisprudencia y Tesis en materia electoral, Tribunal Electoral del Poder Judicial de la Federación, Año 6, Número 13, 2013, páginas 25 y 26.

6 Véase expediente número TEE/JEC/053/2019

Notlazotla ipan axto tlatoli, **mutatis mutandis**, tlin kitosneki **ma no patla tlin uelis no patlas** kentla uanesi ipan jurisprudencia 13/2008, kampa kijtous: **“COMUNIDADES INDÍGENAS. SUPLENCIA DE LA QUEJA EN LOS JUICIOS ELECTORALES PROMOVIDOS POR SUS INTEGRANTES”**.⁷

Niman ken no tlamilia, kampa no tlazokamatikan in min ixkayouan ika nochi on tlakame niman sihuame ueliske kin min manauiske; ompa ika ika no yekana on tlateloli nitlas tlin oipanok niman tlin okitlali on itsliketl ipan i moteluilia, no tetemos tlin ye melauak, kantlajuame no yolkokoke in min ixkayome ika yejun tlateloli.

Niman ika yejuin, tlakokoltin nixmatiske nochime. Yejun tlajtoki uan nito ki tlatitlania on Sala Superior del Tribunal Electoral del Poder Judicial de la Federación, kampa ki tlakatilia on jurisprudencia ika ijpoali 04/2000, kampa kenin uanestika: **AGRAVIOS, SU EXAMEN EN CONJUNTO O SEPARADO, NO CAUSA LESIÓN**⁹

Tlajtokesali.

Ipan keniki uanestika ipan ijpoali 34 ipan machijtlatoli Ley General de Partidos Políticos, niman kampa uanesi ipan tlakoiloli on Base I on ijtoili 41 constitucional, on tlamantli ipan ijkaltipan on tlalololime no kaxilcha ika nochi on tlajtokesaltin miman tekiyome kampa uanesi ipan Constitución, noijki kampa i tlateyouali in min tlayekanketl ipan in min kaltlapaleuilstli.

Noijki yejuin tlayekanketl, kijtous ika on tlamantin tlin panoua ijkaltipan on tlalololtin, niman ojsekime, kua no chichia niman no kualalia in min amame, xuelis no

⁹ Compilación 1997-2013, Jurisprudencia y tesis en materia electoral, Tribunal Electoral del Poder Judicial de la Federación, Jurisprudencia, Volumen 1, página 125. El estudio que realiza la autoridad responsable de los agravios propuestos ya sea que los examine en su conjunto, separándolos en distintos grupos, o bien uno por uno y en el propio orden de su exposición o en orden diverso, no causa afectación jurídica alguna que amerite la revocación del fallo impugnado, porque no es la forma como los agravios se analizan lo que puede originar una lesión, sino que, lo trascendental, es que todos sean estudiados

chichiuaske kua yopeu on tlatemoli ika no tlapepenia, kua no tlapepeniske in min tlayekanketl ipan inkaltijpan, niman kua no titlaniske in min amatlatitlaniltin kampa no kaxiltiske in min amame.

Niman kentla, on tlalololtin ueltoke no yekana ika keniki yejuame no nemilia, kentla ti tlalikan keniki tlanemilia, keniki tekitiske iuan gobierno niman keniki ki chiuaske, kenike no xexelouiliske in min tekiyo, kaski tonaltin uelis tekitiske ompa, keniki no tlazokamatiste, nochipa kua ki tlakamatikan on ueyi ixkaxotl.

Yejun ixkayotl kampa no kipia i tlamilis, niman kampa ma no tlazokamatikan akinon ki kaxilcha, ma no tlazokamatikan in min ixkayome ika uelis o sentlaliske.

Ipan tlalololi Morena, uanestika ika on Comisión Nacional de Honestidad y Justicia ika yejun kaltlapaleuilstli, niman on Consejo Nacional kin tlapepenis makuili in min tlayekanketl.¹⁰

Yejun Comisión ika i amatlatitlanili ki pias kentla i tekiyo tlin nikan uanestika.

- a) Ki min pias in min ixkayome nochima uan kaxilcha on tlalololi Morena;
- b) Tlapias ika no tlazokamamtikan keniki in min tekiyo ipan on tlalololi Morena;
- c) Tetlalis ika keniki no yekanaske ika cua ki piaske cen tlateloli niman keniki no manauiske.
- d) Kin tlatlanis i kin tekitiketl keniki no yekanaske ika in tekiyotl;
- e) Maki chiu itla kua kita ika yaka kox ki tlazokamati i amayekanketl;

f) Makixmatikan on tlatteloltin ojsa tlatteluilistin tlin kimin chichiuiliske in mi tekitiketl ipan yejun tlalololi Morena;

g) Makixmatikan on tlatteloltin ika no tlaliske amayekantin ijkalitina on tlalololi Morena, niman noijki cua in min amanemili kon titlanis ojse kaltlapaleuilistli;

h) Kipias i registro ika nochime uan akinomeke ki kaxilcha on tlalololi kuan ki min tlatteluilikan;

i) Maki tlatlalikan ika keniki ueliske no yekananske ipan in min tekiyotl;

j) Maki teilikan on Consejo Nacional kaniki no tlazokamatiske in amayekanketl Morena;

k) Tlateilis ika ipan chikuasen mestli niman kampa tlatolantok tlin okichiu y tekiyo in min Presidente;

l) Manemikan ipan in tlasentlalistli niman ma tekitikan ika in miyekiyak in Comisionados;

m) Maki tlalikan tlin tonaltin niman tlin hora kampa no kuikaske in min tlasentlalistin;

n) Maki tlatitlanikan tlin o ki tenankilike ika in min tlamantin niman ma kin kualalikan in tlatoltiketl uan kin min manilia ipan yejun in min amanemili;

o) Maki teixtitikan in min tlamantin tlin ni yeckualalia ipan in min tlasentlalistli;

p) Makin min tokayotikan ika in min yeyi tekiyotl akinon uelis ki tekikixtis in presidencia ika on tlasentlalistli, kampa uelis tekitis ika se xiuitl niman noijki uelis ojsapa no tlapepenis ika ojse xiuitl;

q) Makin min tokayotikan ika in min yeyi tekityotl akinon uelis ki tekikixtis in secretaría ika on tlasentlalístli, kampa uelis tekítis ika se xiuitl niman noijki uelis ojsapa no tlapepenis ika ojse xiuitl.

Niman ojsekan, ipan íjtoli 53 ipan yejun amanemili kin tokayocha tlin uelis no tlatemolis ipan yejun tlasentlalístli. Noijki ipa ken uanesitika ipan íjtoli 54 ipan amanemili on Morena, kampa tla onka itla tlakokoli yejun tlalololi ki matis tlin no chiuas in min tekiyotl ika yejun yolkokolistin kua kin peualtiske on itsliketl. Yejuin tlasentlalístli kimasxchas tlin no selis niman yejuame ki matiske kanon ki titlaniske on tlatemoli niman tla kin min uanotza on tlatlakoltin kampa no teítiske ipan makuili tonali. Axto peuas on tlakakili, on tlasentlalístli ki tetemos ika ma no tlakaualtikan yejun tlaixnamikiktin, niman tla xuelis, no teixtitis keniki o panok. On tlakakili kampa nijtous keniki o panok no yekitas ipan matlaktli ipan makuili tonali sakín kua no tlanankili, niman tla se uan tlaixnamiki ki tlatlania ika kin min paleuikan yejun, Secretaría de Derechos Humanos ika on tlalololi kin paleuis. On tlasentlalístli uelis ki tlatitlanis ika kampa ma no uelikan on tonaltin, niman kampa ki kualalis on tlamantli ipan cempoali ipan matlaktli tonali, kua yo panok on tlakakili, on tlasentlalístli ki teilis on tlatlakolti tlin okichiu, ken okichiu. kampa on tlatlakolti ki pias makuili tonali kampa tlanankilis ika xmela ojso tla ye meluak.

On tlateloltin no kualaliske ika ken kijtous in min amayekanketl ika on tlalololi. Ipan íjtoli 55, ika on amanemili nijtous ika tla yejuame xuelis kin kualaliske on tlateloli kuakon nojchiuas kentla nijtous ika amayekanetl íjtoka Ley General de Partidos Políticos, la Ley General del Sistema de Medios de Impugnación en Materia Electoral niman la Ley General de Instituciones y Procedimientos Electorales. Ipan íjtoli 64 ika on amanemili uanestika tlinu uelis no chiuilis ika akinon xki tlazokamati on amayekanketl kentla no kixtiliske in min ixkayotl ika no tlapepeniske, ika kampa xuelis nijkoiloske ipan on tlalololi, no kixtiske ipan in min tekiyotl ipan on tlalolilo, niman ki tlaxtlauaske tlin tlakokoltin okichike. ipan yejun tlasentlalístli Comisión

Nacional de Honestidad y Justicia de Morena o ki titlan cen amatl kampa kijtousa
“¿Ken ti tlaixtlalis sen tlateluil i pan CNHJ?”.

Ipan yejuin amatl tlin ti neki ti matiske ika keski tonali tipia ika no tlaixtlalis on tlateluil i pan kampa: a) nau i tonaltin ika tlin no tlapeniske niman b) matlaktli i pan makuiul i tonaltin kua Noiki, kijtousa on tlasentlalistli ijtoka Comisión Nacional de Honestidad y Justicia peua i tekiyo: a) kampa san akinon ki titlania cen i tlateluil i ika ki kaxilcha on tlatlolol i Morena niman b) kampa xno chiuva kentla on ka i pan in min amanemili.

Kampa on tekiyotl nojchiuva kentla nikan nijtousa: a) No tlaixtlalia on tlateluil i niman no kaxilcha amame ika uelis no selis; b) KI tlatitlania on amatlatitlanili kampa no/xno selia; c) No tlatitlanilia on tlaixnamiktin kenijki ni kaua on amatlatitlanili; d) No titlanis on tlateluil i ika akinon on tlatlakoli kampa tlanakilis i pan mahuil i tonali ika kixmatis on tlatlakoli; e) Nochiuas on tlakakili ika on tlatelol i; f) No tlatitlanis kampa nijtousa ika xuelis ki chiuvas kentla nestika i pan on amanemili.

Tlamia, ika kampa on tlasentlalistli Consejo Nacional de Morena i pan matlaktli tonali i pan mestli noviembre i pan xiuitl dos mil diecinueve, no tlazokamat niman no seli on Reglamento de la Comisión de Honestidad y Justicia, kampa no iki ki tlazokamat on Instituto Nacional Electoral i pan matlactli i pan ce mestli febrero i pan xiuitl dos mil veinte, niman no tekitilti ua moxtla.¹¹

Ipan yejuin amayekanketl, i pan on ijtoli 2 nijtousa ika i on tejiyo no chiuvas kentla uanestika i pan chikuasen tlakoilol i pan on amanemili Morena.

¹¹ En efecto, se destaca como hecho notorio, que, el Reglamento de la Comisión Nacional de Honestidad y Justicia inició su vigencia al día siguiente de su publicación que ocurrió el pasado once de febrero de la presente anualidad, pues mediante el oficio INE/DEPPP/DE/DPPF/2765/202011 de la Dirección Ejecutiva de Prerrogativas y Partidos Políticos del INE se declaró que resultaba procedente su inscripción en el libro de registro de reglamentos partidistas.

Ipan ijtolli 38 ipan yejuin amayekanketl, nijtousa ika san akinon uan kaxilcha on tlalololi uelis ki peualtis tlatteluilili ika kua kin min xolkokoske in mis ixkaxotl ika no tlapepenia ipan tlapepenilistli ika tlalololi Morena.

Niman kentla nika no kuachitiu nestika ika onka ome amayekanketl ipan on tlalololi Morena, ipan se amanali (ijtolli 54) niman, ipan ojse, on Reglamento de la Comisión Nacional de Honestidad y Justicia.

Nomaxtilia tlakokoltin.

Yejuin kaltlapaleuilistli kontlalia ika on tlakokoli una okitemaka on istliketl YE MELAUAK ika kenin ojpanok:

On istliketl kijtousa ika ipan tonali 07 de enero de 2021, okuntitlan on tlatemoli ipan correo electrónico oficiliamorena@aoutlook.com ixpan on Comisión Nacional de Elecciones del Partido MORENA, kampa xpaki ika xkauilike ika no xtehuan ma ki tlapepenikan kampa ki tlatlania ika maki kauilikan ika kineki yes tlapekanketl kentla gobernador del Estado de Guerrero, ipan kampa yejua kixmastoke kentla indígena.

Niman asta ipan jeyuin tonaltin xki nankilia, ika kuakon ki tlatlania yejuin Tribunal Electoral del Estado de Guerrero, ika ma ki yekanakan on tlatteluilili niman kampa ki tlazokamatikan tlin ki tlatlani kampa yejua yes on axto ipan to ueyi kalpan Guerrero, cen indígena ika uelis ki tlapepeniske kentla gobernador ipan on tlalololi Morena.

Aman, on tekitektl tlapekanketl ipan Comisión de Honestidad y Justicia de Morena ipan i amatlakoilol¹² kampa kijtousa ika on ika xnokauilistli, kampa on tlasentlalistli ompa xki pia i tekiyotl niman kampa yejua xuelis ki tlanankilis ika yejun tlatlakoltin, Ika tlake yejua ki pia ce tlapekanketl ika on Coordinación Jurídica del Comité

12 Visible a fojas de la 36 a la 38.

13 Visible a fojas 18,19, 70 y 71 del expediente.

Ejecutivo Nacional, kampa onka cen amaijpoali CNHJ-GRO-002/2021 kampa no iki kineki ki kualaliske on kualanketl.

Aman on itsliketl ipan tonali cempoalli ipan ce ipan mestli diciembre on xiuitl dos mil veinte, oki teititi tlatemoli ixpan Comisión Nacional de Elecciones kampa xo kuelkak tlinon aki nankilike, niman ki tlatlani ojse nankilistli kampa kauilitoke ika ma no tlapepeni¹³.

Ipan amatlakoiloli ika ojpoali CEN/CJ/0067/2021, ipan tonali 22 mestli diciembre ipan xiuitl 2020, on masehual Luis Alberto Reyes Juárez, Tekitiketl ika Coordinación Jurídica del Comité Ejecutivo Nacional, okitijtlani vía electrónica on ika xnokauilistli ipan Comisión Nacional de Honestidad y Justicia on de yejun tlalololi, kampa ki tlatitlanilia ika on tlalololi Morena yejua ki makas tlayekanketl;¹⁴ noiki kon ika tonali 24 on mestli diciembre ipan xiuitl 2020, noijki kontitlan ipan via electrónica nochi keniki o panok¹⁵.

Yejun Comisión Nacional de Justicia y Honestidad ika tlalololi Morena, ipan chikueyi tonali mestli enero ipan xiuitl dos mil veintiuno, tlasentlali on amaijpoali CNHJ-GRO-002/2021.¹⁶

Ipan yejuin amatlakoiloli, ika tlin okichike yejun tekiketl kampa kijtousa ika ye melauak tlin kijtousa on itsliketl, niman kampa ma kuali kin maxtikankentla uanesi ipan ijtoli 20 ipan amatlatitlanili 456 ika Sistema de Medios de Impugnación en Materia Electoral del Estado de Guerrero, kampa uanestika ika tlin o tlatitlan on itsliketl ipan Comisión Nacional de Elecciones kema nemi niman nouiki no yejua uan okititlan niman noiki okititlkanke ipan Procedimiento Sancionador Electoral ipankampa uanestoke amatlakoiloltin, noijki on Comisión de Honestidad y Justicia kijtousa ika yejua xuelis ki yekanas on tlateloli.

14 Visible a fojas 25, 26, 68 y 69 del expediente.

15 Visible a fojas de la 20 a la 24 y de la 72 a la 76 del expediente

16 Visible a fojas de la 29 a la 32 y de la 79 a la 83

Aman kema yejun tekitiketl tlayekanketl Comisión Nacional de Honestidad y Justicia de Morena, ki teilia ika ipan amatlatitlanili ipan chikueyi mestli enero xiuitl dos mil veinte, ipan amaijpoali CNHJ-GRO-002/2021 kampa ki tlatitlanilia on itsliketl ika ipan yeyi tonali ika no seli yejun amatlatitlanili, ika ma kin kaxilti tlin kikuilo ipan in min amame, kamka kilitoke ika tla xki min kualalia yejun kaltlapaleuistli xkixmatis yejun tlateloli, kampa ipan tonali matlaktli ipan makuili tonali mestli enero xiuitl dos mil veintiuno, oki teilika on itsliketl via electrónica, cen copia kampa uanesis yejun impresión de pantalla ipan chikueyi tonali mestli enero ipan xiuitl dos mil veintiuno¹⁷, kampa yejun amatl xkipia ojse amatl kampa no matis ika on itsliketl ya ki maxchas ika tlaseli.

Aman kema, ipan ce amatl ipan amaijpoali CNHJ-GRO-002/2021 uan oki titlan tekitiketl ipan yejuin Tribunal, nijtous ika ioan on amatlatitlanili ipan chikueyi mestli enero ipan xiuitl dos mil veintiuno niman kampa no tlatitlanili, kampa xno tlayekana on tlateloli, kampa yo panoke cempoalli ipan makuili tonali ika xtle no chiuva tekiyo ika ma no yekana on amaijpoali.

Niman, yejuin Tribunal Electoral kontlalia ika Comisión Nacional de Honestidad y Justicia del Partido Morena xueli ki kualalia yejun tlateloli kentla nijtous ipan in min amayekanketl, kampa on ijtole 17 ipan to amayekanketl ijtoka Constitución Política de los Estados Unidos Mexicanos kampa kijtous ika nochi maseualtin kin tlazokamatiske in mis ixkayotl, noijki kampa nijtous ika on maseual Ángel Basurto Ortega uelis ki tlapepeniske kentla precandidato ika Gobernador del Estado de Guerrero.

Noijki ipan ijtole 46 ijpoali 2 ipan Ley General de Partidos Políticos kampa i tekiyo on tlatololtin makimin titlanikan keniki kin kualaliske on tlamantin ika ken uanestika ipan in mi amanemii.

¹⁷ Visible a fojas 77 y 78 del expediente.

Yejuin tekitiketl tlayekanketl kijtousa ika on Comisión Nacional de Honestidad y Justicia del Partido Morena ipan in min yekanketl uanestika ken kin kualalilis on tlateloli, kampa on itsliketl kineki ika ma ki tlapepenikan kentla Gobernador.

Kampa nojpia ika ipan amayenkantín Ley número 483 de Instituciones y Procedimientos Electorales del Estado de Guerrero niman amatlatitlanili ika no yekana tlateloli MORENA, kampa yenon tlakekantín ika xnokauilistli no chiuaske ika tonaltín ken peke no tlapepenike, ken nijtousa ika tlatoli **ma no patla tlin no patlas** kentla ki tlazokamati Sala Superior ipan yejuin Tribunal Electoral ipan jurisprudencia 05/2005 kampa kijtousa **“MEDIO DE IMPUGNACION INTRAPARTIDARIO. DEBE AGOTARSE ANTES DE ACUDIR A LA INSTANCIA JURISDICCIONAL, AUN CUANDO EL PLAZO PARA SU RESOLUCIÓN NO ESTE PREVISTO EN LA REGLAMENTACIÓN DEL PARTIDO POLÍTICO”**.

Tlin ojpanok ipan tlamiltili.

Ika tlin panoua niman maka ma no kauilikan ma ki chiuakan i tekoyo kampa xompa yeyun tekitiketl ika no tlapepenia ipan on tlateloli, kampa on tlin kichiua on kaltlapaleuilistín ma kinj yolkokokan in min ixkayotl on itsliketl kentla no tlazokamati ipan ijtolí 41 constitucional niman 2 on Ley General del Sistema de Medios de Impugnación en Materia Electoral, niman 4 ika Ley número 483 de Instituciones y Procedimientos Electorales del Estado de Guerrero, kampa nochipa no matis tla itla ki seliske ojso kake on ika xnokauilistli, no titlanilia on Comisión Nacional de Honestidad y Justicia on tlateloli Morena: kampa ki maxchas ika yo no tlatitlanili on itsliketl, niman ma ki titlani on amatlatitlanili ipan yeyi tonali ika kua ki selike yejuin tlamiltili.

Noijki, tla no seli on Procedimiento Sancionador Electoral ika ijpoali CNHJ-GRO-002/2021, ki makaske matlaktli tonali on Comisión Nacional de Honestidad y Justicia, kampa ma ki yekualali on tlateloli tlin teixcha on itsliketl. Kampa on matlactli

ipan makuili tonali ipan mestli febrero ipan yejuin xiuitl, peua tonaltin ika nijkoiloske akinon no tlapepeniske ika gubernatura ipan Estado niman on tlalololtin kin tlasokamatiske niman kin yekcualaliske on tlamantin tlin kimastoke niman xkichaske asta ma matlikan on tonaltin ika kin min maka ika tlakualaliske.

Yejun tlasentlalistli kilis yejuin Tribunal Electoral, ika nojchiu on tekiyotl, ipan on ome tonaltin ika nojchiua.

Ipan yejun tlakoiloli kampa nojchiu tlin no tlatlania, no teilia yejun tekitiketl tlayekanketl Comisión Nacional de Honestidad y Justicia, kampa tla xo kichiu on tekiyotl ipan tonaltin kua kin min tlatlanke ipan on Órgano Jurisdiccional ipan yejuin amatlatlanili, no tlatlakoltis kentla uanestika ipan ijtolí 37 ipan on Ley del Sistema de Medios de Impugnación del Estado de Guerrero.

Kentla on axto no tlaixtlalia ika

NIJTOTIKA

CENTETL. No tlatitlanilia on Comisión Nacional de Honestidad y Justicia del Partido Morena, maki titlani amatlatitlanili kampa no selia on xnokauilistli, niman ma ki kualali on yekanketl ika tlapepenili ken uanestika kua tlami on tlakoiloli MAKUILI ipan yejuin amatl.

Maki teilikan ika copia certificada on yejuin tlanankili ipan Comisión Nacional de Honestidad y Justicia del Partido Morena; ipan in chanyo on itsliketl kentla uanestika ipan amatlakoiloltin, kentla nestika ipan ijtolime 31, 32 niman 33 on Ley número 456 del Sistema de Medios de Impugnación en Materia Electoral del Estado de Guerrero.

Kua uelis, maneyea yejuin tlamantli kentla yo no tlamili.

Ika no tlatoltike, ki tenankilike niman ki amatlakoiroke yejun sihuame niman tlakame melajmachiojtlketl una kaxilcha Pleno on Tribunal Electoral del Estado de Guerrero, kampa o tekit kentla sihua melajmachiojtlketl Alma Delia Eugenio Alcaraz, ixpan ante el Tlakoilol Tlayekanketl ika amatlatitlaniltin akinon ki tlazokamastika.

JOSE INÉS BETANCOURT SALGADO
MELAJMACHIOJTLKETL PRESIDENTE

RAMÓN RAMOS PIEDRA
MELAJMACHIOJTLKETL

ALMA DELIA EUGENIO ALCARAZ
SIHUA MELAJMACHIOJTLKETL

HILDA ROSA DELGADO BRITO
SIHUA MELAJMACHIOJTLKETL

EVELYN RODRÍGUEZ XINOL
SIHUA MELAJMACHIOJTLKETL

ALEJANDRO PAUL HERNÁNDEZ NARANJO
TLAKOIOLOL TLAYEKANKETL IKA AMATLATITLANILTIN